



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐ**

Հ Ր Ա Մ Ա Ն

«25» մարտի 2019թ.

N 70- Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԼՈՒԻԿԻ ՀԱՐԱՎԱՄԵՐԻԿՅԱՆ ՑԵՑ
ՎՆԱՍԱՏՈՒԻ ՖԵՐՈՄՈՆԱՅԻՆ ԹԱԿԱՐԴՆԵՐԻ ՄԻՋՈՑՈՎ
ՄՈՆԻԹՈՐԻՆԳԻ ԻՐԱԿԱՆԱՑՄԱՆ ԾՐԱԳԻՐԸ ՀԱՍՏԱՏԵԼՈՒ ԵՎ ԾՐԱԳՐԻ
ԻՐԱԿԱՆԱՑՄԱՆ ԳՈՐԾԸՆԹԱՅԸ ԿԱԶՄԱԿԵՐՊԵԼՈՒ ՄԱՍԻՆ**

Համաձայն Հայաստանի Հանրապետության կառավարության 2018 թվականի դեկտեմբերի 27-ի N 1515-Ն որոշման 5-րդ հավելվածի N 8 աղյուսակի.

Հ Ր Ա Մ Ա Յ ՈՒ Մ ԵՄ

1. Հաստատել Հայաստանի Հանրապետությունում լրիկի հարավամերիկյան ցեց վնասատուի ֆերոմոնային թակարդների միջոցով մոնիթորինգի իրականացման ծրագիրը (այսուհետ՝ Ծրագիր)՝ համաձայն հավելվածի:

2. «Անասնաբուժասանիտարիայի և բուսասանիտարիայի ծառայությունների կենտրոն» պետական ոչ առևտրային կազմակերպության (այսուհետ՝ Կազմակերպություն) տնօրեն Ն. Բարսեղյանին՝

1) «Բուսասանիտարիայի ծառայությունների մատուցում» ծրագրի շրջանակներում 2019 թվականի պետական բյուջեով նախատեսված ձեռք բերվող ֆերոմոնային թակարդները հատկացնել Ծրագրի կատարմանը:

2) Ծրագրում ընդգրկված ագրոնոմներին հատկացնել լրացուցիչ գործարքային աշխատավարձ «Բուսասանիտարիայի ծառայությունների մատուցում» ծրագրի շրջանակներում 2019 թվականի բյուջեով նախատեսված լրացուցիչ 15 ագրոնոմի հաստիքի համար նախատեսված միջոցների հաշվին:

3. Բուսաբուծության և բույսերի պաշտպանության վարչության պետ Ռ. Նազարյանին և գյուղատնտեսական ծրագրերի մոնիթորինգի և վերլուծության վարչության պետի ժամանակավոր պաշտոնակատար Մ. Կարապետյանին Ծրագրի իրականացման ընթացքում ապահովել մոնիթորինգի անցկացումը:

4. Սույն հրամանի կատարման նկատմամբ հսկողությունը վերապահել նախարարի տեղակալ Գ. Պետրոսյանին:

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ

Գ. ԳԵՎՈՐԳՅԱՆ

ԾՐԱԳԻՐԸ
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԼՈՒԿԻԿԻ ՀԱՐԱՎԱՄԵՐԻԿՅԱՆ ՑԵՑ
ՎՆԱՍԱՏՈՒԻ ՖԵՐՈՄՈՆԱՅԻՆ ԹԱԿԱՐԴՆԵՐԻ ՄԻՋՈՑՈՎ ՄՈՆԻԹՈՐԻՆԳԻ
ԻՐԱԿԱՆԱՑՄԱՆ

1. Հայաստանի Հանրապետության տարածքում լուլիկի հարավամերիկյան ցեցն (այսուհետ՝ ցեց) առաջին անգամ հայտնաբերվել է 2012 թվականին Հայաստանի Հանրապետության Արարատի մարզի Դարակերտ և Ղուկասավան համայնքներում:

2. Ցեցը սնվում է մորմազգի մշակաբույսերի տերևներով, պալարներով և պտուղներով, թիթեռների թռիչքը սկսվում է վաղ գարնանը և շարունակվում մինչև հոկտեմբերի վերջը:

3. Հողօգտագործողները չկարողանալով ճիշտ որոշել պայքարի միջոցառումների իրականացման ժամկետները ստիպված ավելացնում են քիմիական մշակումների քանակը, կատարում լրացուցիչ և անարդյունավետ ծախսեր, որոնց արդյունքում բարձրանում է արտադրանքի ինքնարժեքը, նվազում ստացվող եկամուտը:

4. Հաշվի առնելով ստեղծված իրավիճակը Հայաստանի Հանրապետության գյուղատնտեսության նախարարության (այսուհետ՝ նախարարություն) նախաձեռնությամբ 2013 թվականին տնտեսավարողների համար կազմակերպվել են ուսուցումներ, միջազգային փորձագետների մասնակցությամբ՝ խորհրդատվություններ, հրատարակվել՝ տեղեկատվական թերթիկներ, 2014-2015 թվականներին Հայաստանի Հանրապետության պետական բյուջեից հատկացված միջոցներով ձեռք են բերվել ֆերոմոնային թակարդներ, որոնց միջոցով իրականացված դիտարկումների (մոնիթորինգ) հիման վրա տնտեսավարողներին տրամադրվել է խորհրդատվություն վնասատուի դեմ պայքարի իրականացման ժամկետների և առավել արդյունավետ պեստիցիդների տեսակների ու օգտագործման չափաքանակների վերաբերյալ:

5. 2018 թվականին կլիմայական պայմաններով պայմանավորված լուլիկի ցեցը մեծ վնաս է հասցրել լուլիկի դաշտերին:

6. Փորձը ցույց է տվել, որ վերոհիշյալ վնասատուի մոնիթորինգը և դրանց դեմ պայքարի միջոցառումների իրականացման ճիշտ ժամկետները հնարավոր է որոշել միայն համապատասխան ֆերոմոնային թակարդների օգտագործմամբ:

7. Կազմակերպությունը «Բուսասանիտարիայի ծառայությունների մատուցում» ծրագրի շրջանակներում ձեռքբերված ցեցի ֆերոմոնային թակարդների ու օժանդակ

պարագաների օգնությամբ մոնիթորինգ կիրականացվի Հայաստանի Հանրապետության մարզերի մորմագգի մշակաբույսերի դաշտերում: Անհրաժեշտ ֆերոմոնային թակարդների և օժանդակ պարագաների պահանջարկը հաշվարկելիս՝ հիմք են ընդունվել 2017-2018 թվականների մորմագգի մշակաբույսերի փաստացի ցանքատարածությունները և նախարարությունում անցկացված մասնագիտական քննարկումների արդյունքները:

8. 2019 թվականին հանրապետության բոլոր մարզերում կիրականացվի մոնիթորինգ՝ ֆերոմոնային թակարդների կիրառմամբ, տեղադրվող թակարդների բաշխումը ներկայացվում է N 1 աղյուսակում:

Աղյուսակ N 1

Ֆերոմոնային թակարդների տեղաբաշխումն, ըստ մարզերի

| Մարզը | Կատարվել է ցանք (ՀՀ ԱՎԾ) | | | | Ֆերոմոնային թակարդների թիվը | Կարտոֆիլ | Լոլիկ |
|-----------|--------------------------|------|----------|-------|-----------------------------|----------|-------|
| | Լոլիկ | | Կարտոֆիլ | | | | |
| | 2017 | 2018 | 2017 | 2018 | | | |
| Արագածոտն | 181 | 83 | 1382 | 1060 | 18 | 12 | 6 |
| Արարատ | 2560 | 2069 | 796 | 631 | 220 | 40 | 180 |
| Արմավիր | 2659 | 1850 | 1667 | 1418 | 220 | 40 | 180 |
| Լոռի | 87 | 82 | 4190 | 3596 | 12 | 10 | 2 |
| Կոտայք | 172 | 137 | 886 | 756 | 10 | 7 | 3 |
| Շիրակ | 78 | 36 | 3715 | 3221 | 12 | 12 | 0 |
| Վայոց Ձոր | 103 | 103 | 223 | 160 | 8 | 5 | 3 |
| Ընդամենը | 5840 | 4360 | 12859 | 10842 | 500 | 126 | 374 |

9. 2019 թվականի մայիս-սեպտեմբեր ժամանակահատվածում մորմագգի մշակաբույսերի (լոլիկ, կարտոֆիլ, սմբուկ, տաքդեղ և այլն) դաշտերում ցեցի թակարդներում ֆերոմոնով գլխիկները կփոխվեն 4, իսկ սոսնձաթղթերը՝ 9 անգամ:

10. Դաշտում ֆերոմոնային թակարդները կամրացվեն փայտից կամ պլաստիկ նյութից պատրաստված Դ-աձև, 65-70 սմ բարձրությամբ, սրածայր ցցերին:

11. Ծրագրի հաշվարկային գինը կազմում է 4000.0 հազ. դրամ, հաշվարկների համար հենք է հանդիսացել Հայաստանի Հանրապետությունում օգտագործման համար թույլատրված պեստիցիդների և ագրոքիմիկատների անվանացանկում գրանցված ֆերոմոնային թակարդների գների վերաբերյալ դրանց ներկրմամբ զբաղվող ընկերությունների կողմից հեռախոսակապով տրամադրված

տեղեկատվությունը: Ցեցի ֆերմոնային թակարդների և օժանդակ պարագաների արժեքները ներկայացվում է N 2 աղյուսակում:

Աղյուսակ N 2

Հաշվարկ

ՀՀ-ում լուլիկի հարավամերիկյան ցեցի ֆերմոնային թակարդների կիրառմամբ մոնիթորինգի իրականացման համար անհրաժեշտ ֆերմոնային թակարդների և օժանդակ պարագաների (մրցութային գնման դեպքում)

| Ապրանքի անվանումը | Միավորի գինը, ՀՀ դրամ | Քանակը, հատ | Արժեքը, ՀՀ դրամ |
|--|--------------------------|----------------|--------------------|
| Թակարդը և լուլիկի ցեցի ֆերմոնով գլխիկը Tuta absoluta | 2100 | 500 | 1050000 |
| Լուլիկի ցեցի ֆերմոնով գլխիկը Tuta absoluta | 1000 | 2000 | 2000000 |
| Լրացուցիչ սունձաթուղթ (2 հատ) | 300 | 2000 | 600000 |
| Թակարդների ամրացման համար անհրաժեշտ ցցերը | 700 | 500 | 350000 |
| Ընդամենը | | | 4000000 |

12. Տեղադրված ֆերմոնային թակարդների պահպանությունը 2019 թվականի ամբողջ վեգետացիայի ընթացքում կիրականացվի հողօգտագործողների աջակցությամբ:

13. 2019 թվականի վեգետացիայի ընթացքում մոնիթորինգ իրականացնող մասնագետներն, ըստ անհրաժեշտության, խորհրդատվություն կտրամադրեն հողօգտագործողներին վնասատուների դեմ պայքարի միջոցառումների կազմակերպման ժամկետների, օգտագործվող բույսերի պաշտպանության միջոցների և դրանց չափաքանակների վերաբերյալ:

14. Մոնիթորինգի արդյունքների վերաբերյալ Կազմակերպության կողմից յուրաքանչյուր ամիս մինչև հաջորդող ամսվա 10-ը հաշվետվություն կներկայացվի Հայաստանի Հանրապետության գյուղատնտեսության նախարարություն:

15. Ծրագրի մոնիթորինգը կիրականացնի նախարարության համապատասխան ստորաբաժանումը:

16. Ծրագրի իրականացման և հողօգտագործողների կողմից ագրոտեխնիկական համալիր միջոցառումների կատարման արդյունքում ակնկալվում է՝

- բերքի կորուստների նվազում,
- օգտագործվող բույսերի պաշտպանության միջոցների ծախսի կրճատում,
- արտադրվող բանջարեղենի ապրանքային տեսքի ու որակի բարելավում: